

# FRÉTTABRÉF

## GRUNNSKÓLA HORNAFJARÐAR



### Í upphafi skólaárs

Nú í upphafi skólaárs kemur fyrsta fréttabréfið þar sem farið er yfir nokkra punkta sem mikilvægt er að rifja upp á hverju ári. Má þar nefna skólareglurnar og ýmislegt fleira auk matseðils.

### Kynningarfundir og skólafærninámskeið

Framundan eru árlegir kynningarfundir og skólafærninámskeið fyrir foreldra en þeir verða haldnir í heimastofum hvers bekkjar. Kennarar sjá um kynningafundina líkt og gert var síðasta vetur og verða nemendur þátttakendur. Rík áhersla er lögð á að foreldrar mæti á þessa fundi. Á þeim er fjallað um ýmis mál sem snúa að skólastarfinu en einnig samskiptum foreldra innbyrðis og heimilis og skóla. Það sem foreldrar þurfa að hafa í huga er að velja tengla og að gefa kost á sér í foreldrafélagið. Foreldrafélagið kemur að ýmsum atburðum yfir skólaárið. Einnig vantar fulltrúa nærsamfélagsins í skólaráð grunnskólans.

### Kynningarfundir árganga:

1. bekkur 20. september kl. 9:00 – 10:00.
2. bekkur 12. september kl. 8:10 – 9:30
3. bekkur 21. september kl. 9:00 – 10:00
4. bekkur 11. september kl. 8:30 – 9:30
5. bekkur 8. september kl. 12:30
6. bekkur eftir Öræfaferð nánar auglýst síðar
7. bekkur 14. september kl. 16:00
8. bekkur 14. september kl. 11:45 – 12:45
9. bekkur 6. september kl. 19:30
10. bekkur 21. september kl. 19:30

Nánari upplýsingar verða sendar í vikubrífum.



## FRÉTTABRÉF

## GRUNNSKÓLA HORNAFJARÐAR

## Skólafærninámskeið

Í september gefst foreldrum kostur á að sækja fyrirlestra frá Agnesi Steinu Óskarsdóttur talmeinafræðingi, Elsu Kristjánsdóttur sálfræðingi og Sigríði Kr. Gísladóttur iðjuþjálfara en þær koma allar að skólafærninu í Grunnskóla Hornafjarðar. Við leggjum áherslu á að foreldrar í 1. – 3. bekk mæti á þennan fyrirlestur þar sem verður fjallað um þroska barna, málþroska og hreyfiproska barna. Nánari tímasetning kemur fram í vikubréfum og á heimasíðu skólans. **Allir foreldrar velkomnir.**

Af gefnu tilefni er foreldrum bent á að hafa samband við skólann ef þeir hafa einhverjar áhyggjur af því að hlutirnir séu ekki í lagi. Saman gerum við skólann og samfélagið okkar að besta samfélagi á landinu.



## Starfsáætlun skólans

Í ár verður handbókin ekki gefin út í prentuðu upplagi en er birt á heimasíðu skólans:

<https://gs.hornafjordur.is/media/pdf-starfsaaetlun/Handbok-2023-2024.pdf>



## FRÉTTABRÉF

## GRUNNSKÓLA HORNAFJARÐAR

# Skólareglur Grunnskóla Hornafjarðar

Í upphafi hvers skólaárs ber skólanum skylda til að kynna skólareglur fyrir foreldrum.


Í skólareglum skal m.a. kveðið á um almenna umgengni, samskipti, stundvísi, ástundun náms og heilbrigðar lífsvenjur. Þar skuli einnig koma fram hvernig brugðist sé við brotum á skólareglum. Hér á eftir kemur úrdráttur úr skólareglunum. Þær eru í fullri lengd í starfsáætlun á heimasíðu skólans

<https://gs.hornafjordur.is/media/pdf-starfsaaetlun/Handbok-2023-2024.pdf>.

## Almennar reglur

Almennar reglur snúast um dagleg samskipti og byggja á almennum siðareglum. Að temja sér að fara eftir þessum reglum er hluti af því að þroskast og fullorðnast og verða ábyrgur þegn í lýðræðis-samfélagi. Því er eðlilegt að yngri börn þurfi meiri aðstoð við að temja sér þær en þau sem eldri eru. Almennum reglum er fylgt þegar:

- Við sinnum hlutverki okkar
- Við komum fram af kurteisi og sýnum tillitssemi
- Við berum ábyrgð á eigum okkar
- Við berum ábyrgð á gerðum okkar
- Við látum aðra í friði.



## Öryggisreglur

Öryggisreglur snúast um að tryggja líkamlegt og andlegt öryggi allra í skólanum. Séu þær brotnar er undantekningarlaust gripið til viðurlaga í samræmi við aldur og þroska viðkomandi barns.

Öryggisreglur eru brotnar þegar öryggi er ógnað með ögrandi framkomu t.a.m. með:

- andlegum eða líkamlegum meiðingum
- alvarlegum ögrunum eða hótunum
- notkun á tóbaki, áfengi eða öðrum vímuefnum
- vopnum eða ígildi þeirra
- þjófnaði
- skemmdarverkum
- áhættu hegðun.

Ef nemandi brýtur skólareglurnar er unnið eftir ákveðnu ferli sem nánar er útlistað í starfsáætlun skólans sem og á heimasíðu hans.

<https://gs.hornafjordur.is/nemendur/skolareglur/>

## FRÉTTABRÉF

## GRUNNSKÓLA HORNAFJARÐAR

# Skólareglur Grunnskóla Hornafjarðar

## Punktakerfi

Notast er við punktakerfi í 7. – 10. bekk skólans til auðvelda kennurum, nemendum og foreldrum að halda utan um mætingar og ástundun hjá nemendum. Skólasókn þeirra birtist á vitnisburðarblaði. Haldið er utan um punktakerfið á [www.mentor.is](http://www.mentor.is). Þar merkja kennarar við mætingar, skil á heimavinnu og fleiri þætti og geta foreldra og nemendur ásamt kennurum fylgst með stöðu mála. Hægt er að nálgast frekari upplýsingar um punktakerfið á heimasíðu skólans og í starfsáætlun.

## Skólasóknarkerfi

Við minnum sérstaklega á skólasóknarkerfi sem tekið var upp síðasta vetur til að halda betur utan um mætingar nemenda. Frekari upplýsingar um það er að finna á heimasíðu skólans <http://gs.hornafjordur.is/foreldrar/skolasoknarkerfi/>

En það felst í meiri eftirfylgni með fjarvistum nemenda hvort sem það er vegna veikinda eða leyfa. Miklar fjarvistir geta haft alvarleg áhrif á nemendur bæði námslega og félagslega. Því senda ritarar foreldrum einu sinni í mánuði yfirlit yfir mætingu nemanda og í framhaldinu eru umsjónarkennarar í sambandi í við foreldra ef fjarvistir gætu farið að vera áhyggjuefni.




## FRÉTTABRÉF

## GRUNNSKÓLA HORNAFJARÐAR

## Uppeldi til ábyrgðar

Skólareglur Grunnskóla Hornafjarðar litast af áherslum í uppeldi til ábyrgðar en það er sú uppeldis- og samskiptastefna sem lögð er til grundvallar í skólasterfinu. Uppeldi til ábyrgðar byggir meðal annars á þeirri grundvallarhugsun að orsök vanlíðunar og slæmrar hegðunar eigi sér stað vegna þess að einstaklingurinn nái ekki að uppfylla grunnþarfir sínar á jákvæðan hátt. Aðferðir uppeldis til ábyrgðar byggja á því að einstaklingar læri að þekkja þessar grunnþarfir sínar og finni leið til að uppfylla þær á jákvæðan hátt í sátt við aðra í umhverfi sínu um leið og þeir taki ábyrgð á eigin hegðun.

Kjörorð skólans vísa síðan til hvernar þarfar fyrir sig og þannig tengjast kjörorð skólans og uppeldisstefnan órjúfanlegum böndum.



## Göngum í skólann - og verum umhverfisvæn í leiðinni

Eins og ávallt áður er Grunnskóli Hornafjarðar þátttakandi í átakinu Göngum í skólann sem hefst 4. september og stendur til 2. október. Markmið verkefnisins er að hvetja börn til að tileinka sér virkan ferðamáta í og úr skóla og auka færni þeirra til að ferðast á öruggan hátt í umferðinni. Ein einfaldasta leiðin til að auka hreyfingu í daglegu lífi er að velja virkan ferðamáta, svo sem göngu, hjólreiðar, hlaup, línuskauta, hjólabretti eða annað. Ávinningurinn er ekki aðeins bundinn við andlega og líkamlega vellíðan heldur er þetta einnig umhverfisvæn og hagkvæm leið til að komast á milli staða.

**ÞAÐ ER GOTT OG GAMAN AÐ HJÓLA Í SKÓLANN... ÞEGAR HJÁLURINN ER Á KOLLINUM!  
HJÁLNOTKUN ER LÖGBUNDIN AÐ 15 ÁRA ALDRI.  
FULLORÐNIR, VERUM GÓÐAR FYRIRMYNDIR OG NOTUM LÍKA HJÁL.**

# ÁGÚST - SEPTEMBER

- 
- 
- 
- 
- 
- 
- 
- 24.8 Lasagne og hvítlauksbrauð  
25.8 Grjónagrautur og brauð með áleggi  
28.8 Fiskur í raspi, kartöflur og smjör  
29.8 Kjúklingaleggir, kartöflur og brún sósa  
30.8 Fiskibuff, kartöflur og karrýsósa  
31.8 Hakkréttur og kartöflumús  
1.9 Ávaxtagrautur og brauð með áleggi  
4.9 Bleikja, kartöflur og köld sósa  
5.9 Kjöt í karrý, kartöflur og hrísgrjón  
6.9 Rauðsprettu í raspi, kartöflur og remúlaðisósa  
7.9 Kjúklingapottréttur, naan brauð og maísbaunir  
8.9 Kjötsúpa og brauð  
11.9 Nætursaltaður fiskur, kartöflur, soðið grænmeti  
12.9 Lambasteik, kartöflur, brún sósa, baunir og rauðk  
13.9 Steiktur fiskur, kartöflur og smjör  
14.9 Hamborgari og franskar  
15.9 STARFSDAGUR  
18.9 Fiskibollur, kartöflur og laukfeiti  
19.9 Pizza og franskar  
20.9 Bleikja, kartöflur og köld sósa  
21.9 Kjúklingapottréttur, kartöflumús  
22.9 Hrísgjónagrautur og brauð með áleggi  
25.9 Soðinn fiskur, kartöflur og rúgbrauð  
26.9 Píta með buffi  
27.9 Ofnbakaður fiskur, kartöflur og köld sósa  
28.9 Vínarsnitsel, kartöflur, grænmeti og brún sósa  
29.9 Skyr og brauð með áleggi

**Salatbar er í boði alla daga nema  
föstudaga**

**VERÐI YKKUR AÐ GÓÐU**